



**МОНГОЛ УЛСЫН
ЭРҮҮЛ МЭНДИЙН САЙДЫН ТУШААЛ**

2010 оны 4 сарын 20 өдөр

Дугаар 141

Улаанбаатар хот

Томуугийн цартахлын бэлэн байдал, хариу арга
хэмжээний удирдамж батлах тухай

Томуугийн цартахалтай тэмцэх, сэргийлэх хариу арга хэмжээг хангах зорилгоор ТУШААХ нь:

1. Эрүүл мэндийн салбарын томуугийн цартахлын бэлэн байдал, хариу арга хэмжээний удирдамжийг нэгдүгээр, Томуугийн цартахлын вирусийн халдварьн тархвар зүйн судалгааны хуудсыг хоёрдугаар хавсралтаар баталсугай.
2. Уг удирдамжийг хэрэгжүүлэх арга хэмжээг зохион байгуулахыг Нийгмийн эрүүл мэндийн бодлогын хэрэгжилтийг зохицуулах газар (С.Төгсдэлгэр), Эмнэлгийн тусламжийн бодлогын хэрэгжилтийг зохицуулах газар (Ш.Энхбат), Эм, эмнэлгийн хэрэгслийн хэлтэс (Ч.Мөнхдэлгэр), Халдварт өвчин судлалын үндэсний төв (Д.Нямхүү), Аймаг, нийслэлийн эрүүл мэндийн газрын дарга наарт даалгасугай.
3. Энэхүү тушаалын хэрэгжилтэд хяналт тавьж ажиллахыг Мэдээлэл, хяналт -шинжилгээ, үнэлгээний газар (С.Энхболд)-т даалгасугай.



С.ЛАМБАА

Эрүүл мэндийн сайдын 2010 оны 4 дүгээр
сарын 11 ны өдрийн 141 тоот тушаалын
нэгдүгээр хавсралт

Эрүүл мэндийн салбарын томуугийн цартахлын бэлэн байдал, хариу арга хэмжээний удирдамж

Томуугийн цартахал нь дэлхий дахинь нийгэм, эдийн засгийн бүхий л салбарыг хамардаг гамшиг юм.

Үндэсний хэмжээнд төрийн болон төрийн бус байгууллага, үйлдвэр аж ахуй, ард иргэдийг өргөн хүрээтэйгээр хамруулан, цартахлыг хохирол багатай даван туулахад яам, агентлаг, бүх түвшний засаг захиргаа, эрүүл мэндийн байгууллагуудын хамтын ажиллагаа чухал юм.

Эрүүл мэндийн салбарын бэлэн байдлыг ханган, хариу арга хэмжээг хэрэгжүүлэгчид нь үндэсний болон орон нутгийн эрүүл мэндийн байгууллагын удирдлага, ажилтнууд юм.

1. Зорилго, зорилтууд

Хүний томуугийн цартахал болон шувууны томуугийн хүний өвчлөл тохиолдох үед авч хэрэгжүүлэх арга хэмжээний бэлэн байдлыг хангахад энэхүү удирдамжийн зорилго оршино.

2. Зорилтууд:

- Халдвартыг эрт илрүүлж, таслан зогсоо замаар томуугийн тархалтыг хязгаарлах, цартахлын үеийн өвчлөл, нас барагчдыг бууруулах.
- Цартахлын үеийн зайлшгүй шаардлагатай тусламж, үйлчилгээний бэлэн байдлыг хангаж, хүртээмжтэй болгох, дэд бутцийг тогтвортойгоор хадгалан, эдийн засагт учрах хохирлыг аль болох багасгах, нийгмийн амьдралын хэвийн үйл ажиллагааг хангах.
- Хүн ам, эрүүл мэндийн ажилтан, хэвлэл, мэдээлэл болон бусад салбарын ажиллагсдыг үнэн зөв мэдээллээр цаг алдалгүй хангах.

3. Цартахлын үе шатууд

Цартахлын үе шат	Тодорхойлолт
Цартахал хоорондын үе	<p>Томуугийн вирус амьтны популяцад давамгайлан эргэлтэд байна. Хүнд халдвартыг нь ховор байдаг.</p> <p>1-р үе шат Амьтны томуугийн вирус хүнд халдвартасан тохиолдол бүртгэгдээгүй. Хүний бие махбодиос томуугийн вирусийн шинэ хэвшинж илрэхгүй.</p>

Цартахал хоорондын үе	Томуугийн вирус амьтны популяцад давамгайлан эргэлтэд байна. Хүнд халдвартлах нь ховор байдаг.	2-р үе шат Амьтны томуугийн вирус хүнд халдвартласан мэдээлэл байна. Амьтдын дунд орчилдож буй томуугийн вирус хүний биед өвчин үүсгэх бодит эрсдэл бий болно.
		3-р үе шат Амьтны вирус болон хүн-амьтны вирус нэгдэж, хүнд халдвартласан цөөн тооны тохиолдол бүртгэгдсэн. Ховор тохиолдолд ойрын хавталауд халдана.
Цартахлын түгшүүр үе	Шинэ вирус хүнээс хүнд халдвартлах дамжин халдвартлах чадвартай болно.	4-р үе шат Амьтны буюу хүн-амьтны томуугийн нэгдсэн вирус хүнээс хүнд халдвартлан “хамт олны түвшинд” дэгдэлт үүсгэнэ.
Цартахлын үе	Шинэ вирус хүн амын дунд өргөн тархан хүнээс хүнд халдвартана	5-р үе шат Дээр тодорхойлогдсон томуугийн шинэ вирус ДЭМБ-ын нэг бүсийн наад зах нь хоёр улсад олныг хамарсан тогтвортой дэгдэлтэд хурсэн 6-р үе шат 5 дугаар үе шатанд зааснаас гадна ДЭМБ-ын өөр нэг бүсийн наад зах нь нэг улсад томуугийн шинэ вирусийн халдвартсан байна.
Оргил үеийн дараах үе	Цартахлын дараагийн давалгаа гарах эрсдэлтэй байдаг.	Цартахлын өвчлөл олон оронд оргил үеээс буурна.
Цартахлын дараах үе	Томуу, томуу төст өвчин ердийн түвшинд хүрч буурна.	Цартахлын өвчлөл олон улсад улирлын томуугийн түвшинд хүрч буурна.

4. Эрүүл Мэндийн салбарын гүйцэтгэх үүрэг

4.1. Эрүүл мэндийн яам нь томуугийн цартахлын үеийн эрүүл мэндийн салбарын хариу арга хэмжээг үндэсний хэмжээнд зохицуулна. Үүнд: Тандалт, олон улсын хамтын ажиллагаа, вирусийн эсрэг үйлдэлтэй эм бэлдмэл болон цартахлын вакцины хэрэглээ (дэд бүтэц, вакцин түгээлт, зохистой менежмент, санхүүжилт)-г зохицуулах зэрэг үйл ажиллагаа багтана.

4.2. Аймаг, нийслэлийн ЭМГ нь цартахлын үеийн хариу арга хэмжээг уялдуулан зохицуулах, орон нутгийн хамтран ажиллагч байгууллагууд (онцгой байдлын хэлтэс, эмнэлэг, төрийн бус байгууллагууд)-тай нягт холбоотой ажиллана.

4.3. Томуугийн цартахлын зохицуулах зөвлөл

Томуугийн цартахлын зохицуулах зөвлөлийн зохицуулагч нь (ТЦЗ) ХӨСҮТ-ийн Ерөнхий захирал байна. Тус зөвлөл нь дараах арга хэмжээг хэрэгжүүлнэ. Үүнд:

4.3.1. Лабораториор батлагдсан томуугийн цартахлын анхны болон магадлалтай тохиолдлын мэдээг ЭМЯ болон ДЭМБ-д мэдээлэх бөгөөд эмнэл зүй, лаборатори, тархвар зүйн мэдээг нэгтгэн өдөр бүр холбогдох байгууллагуудад мэдээлнэ.

4.3.2. Хүн амын дунд томуугийн цартахлын халдвартын тархалтыг нарийвчлан судална.

4.3.3. Гадаад улс орноос аялал, жуулчлалаар дамжин тархаж болзошгүй томуугийн шинэ халдвараас сэргийлэх, халдварыг хянах, эрт сэрэмжлүүлэх, хариу арга хэмжээг зохион байгуулна.

4.3.4. Томуугийн цартахлын тандалт, голомтын судалгааг хийж, шаардлагатай тохиолдолд шуурхай арга хэмжээний багийг орон нутагт томилон ажиллуулна.

4.3.5. Хэвлэл, мэдээллийн хэрэгслээр дамжуулан хүн амыг үнэн зөв мэдээллээр цаг алдалгүй хангана.

4.4. ХӨСҮТ-ийн Тандалтын үндэсний нэгж (ТҮН)

Тандалтын Үндэсний нэгж нь томуугийн дэгдэлт, цартахлын үеийн эрт сэрэмжлүүлэх, хариу арга хэмжээг зохион байгуулна. Үүнд:

4.4.1. Томуугийн цартахлын мэдээллээр (7 хоногийн турш 24 цагаар ажиллаж) Эрүүл мэндийн яам болон холбогдох байгууллагуудыг хангах, үндэсний хэмжээний мэдээний сан бүрдүүлэх,

4.4.2. Харуулдан тандалт болон тусгайлсан судалгаагаар цуглуулсан буюу хөрш зэргэлдээ улс орноос ирсэн мэдээ, мэдээллийг харьцуулан судалж, дүн шинжилгээ хийн, цагийн байдлын талаар холбогдох байгууллагуудад 7 хоногт 2 удаа мэдээлэх,

4.4.3. Өвчлөлийн тархалтыг сааруулах эмийн бус арга хэмжээнүүдийг төлөвлөх, шалтгааныг тогтоох судалгааг шуурхай хийж, дүнг мэдээлэх,

4.4.4. Тандалт, голомтын судалгаа, хариу арга хэмжээний талаар бүх шатны эрүүл мэндийн байгууллагуудад мэргэжил арга зүйн зөвлөмж өгч ажиллах,

4.4.5. Сургалт, сурталчилгаа зохион байгуулах,

4.4.6. Удирдамж, зөвлөмж боловсруулах.

4.5. Аймаг, нийслэлийн Эрүүл мэндийн газар

4.5.1 Томуугийн цартахалтай тэмцэх, сэргийлэх аймаг, орон нутгийн төлөвлөгөө боловсруулан хэрэгжүүлж, тодотгол хийж байх,

4.5.2 Шаардагдах эм, оношлуур, багаж тоног төхөөрөмж, хувийн хамгаалах хэрэгслэл, ариутгал, халдвартгүйтгэлийн бодисыг нөөцлөх, эрчимт эмчилгээ, сэхээн амьдруулах тусlamж, үйлчилгээний тоног төхөөрөмжийн бэлэн байдлыг хангах,

4.5.3 Хүний томуугийн цартахлын үеийн нөхцөл байдалд шуурхай үнэлгээ хийн, цагийн байдлын талаар ХӨСҮТ, ЭМЯ-д өдөр бүр мэдээлэх,

4.5.4 Цартахлын үед хүн амд үзүүлэх нийгмийн нэн шаардлагатай тусlamж, үйлчилгээний хүчин чадлыг аймаг, орон нутгийн хэмжээнд тооцон бэлэн байдлыг хангуулах,

4.5.5 Заавар, зөвлөмжийг тухайн орон нутгийн нөхцөлд тохируулан боловсруулах,

4.5.6 Сургалт, сурталчилгааг зохион байгуулах,

4.5.7 Томуугийн цартахлын эрт сээрэмжлүүлэх, хариу арга хэмжээг мэргэжил арга зүйн удирдлагаар хангах.

4.6. Дүүргийн Эрүүл мэндийн нэгдэл, аймаг, нийслэлийн эмнэлгүүд

Томуугийн шинэ вирусийн халдвартын үед дараах арга хэмжээ авна. Үүнд:

4.6.1. Томуугийн шинэ вирусийн халвар бүртгэгдээгүй үед эмнэлэгт авах арга хэмжээ (1 дүгээр түвшин)

Нэг. Зохион байгуулалт

Гамшигийн үед эмнэлэгт авах арга хэмжээний төлөвлөгөөнд тодотгол хийнэ. Эмч, эмнэлгийн ажилтны утас, гэрийн хаяг зэрэг мэдээлэл, онцгой байдлын үед ажиллах дэглэм, журмыг шинэчлэн эмнэлгийн ажилтнуудад танилцуулна.

Нэмэлтээр дайчлан ажиллуулах эмч, эмнэлгийн ажилтны бүртгэл, судалгааг шинэчлэн гэрээ байгуулан сургалтад хамруулна.

Шаардагдах эм, оношлуур, багаж хэрэгсэл, хувийн хамгаалах хэрэгслэл, ариутгал, халдвартгүйтгэлийн бодисыг нөөцлөх, эрчимт эмчилгээ, сэхээн амьдруулах тусlamж, үйлчилгээний нэн шаардлагатай тоног төхөөрөмжийн бэлэн байдлыг хангах, эм, эмнэлгийн хэрэгслээр тасралтгүй хангах гэрээг зохих газруудтай байгуулсан байна. Сургалт зохион байгуулах, зөвлөмж, гарын авлагаар хангах зэрэг арга хэмжээнүүдийг авч хэрэгжүүлнэ.

Нөхцөл байдлын улмаас ор нэмж ажиллуулах төлөвлөлт, зохицуулалтын бэлэн байдлыг хангана.

Хоёр. Халдварт хяналт

Эмнэлгийн халдварт хяналтын алба, багийн тандалт, хяналтын үйл ажиллагааг идэвхжүүлэн эмнэлгийн ажилтнуудад халдвараас хамгаалах сургалт зохион байгуулж, хувийн хамгаалах хэрэгслээр хангана.

Томуугийн бус эмнэлэг, тасагт томуугийн халдварт гаднаас орохоос сэргийлэх арга хэмжээг хэрэгжүүлнэ. Хэрвээ томуугийн халдварын нууц үедээ өвчтөн хэвтсэн тохиолдолд халдварыг бусад хэвтэн эмчлүүлэгсдэд тархахаас сэргийлэх арга хэмжээ авна.

Гурав. Тархвар зүйн тандалт

Томуугийн эмнэл зүйн шинж тэмдгийн тандалтыг үйлчлүүлэгчид, өвчтөнүүд эмч, эмнэлгийн ажилтнуудын дунд тогтмол хийнэ.

Сэжигтэй болон магадлалтай тохиолдлыг Эрүүл мэндийн сайдын 2009 оны 351 тоот тушаалын дагуу мэдээлэн холбогдох арга хэмжээг шуурхай авна.

Хүний хөдөлгөөн багатай хэсэгт амьсгалын замын шинж тэмдэг илэрсэн өвчтөнүүдийг тусгаарлах өрөө, тасгийг бэлтгэнэ. Тусгаарлах өрөө, тасгийг шаардагдах тоног төхөөрөмж, багаж тоног төхөөрөмж, хувийн хамгаалах хэрэгслэл, гар халдвартгүйтгэх бодисоор хангана.

4.6.2. Томуугийн шинэ вирусийн халдварт бүртгэгдсэн үед эмнэлэгт авах арга хэмжээ (2 дугаар түвшин)

Нэг. Зохион байгуулалт

Захирал, дарга, тасаг, кабинетийн эрхлэгчийг эзгүйд ажил орлох хүнийг томилох, нэмэлтээр дайчлан ажиллуулах эмч, эмнэлгийн ажилтны талаарх шийдвэрийг гарган хүний нөөцийн бэлэн байдлыг хангана. Мэдээ, мэдээлэл дамжуулах үйл ажиллагааг зохицуулах үүрэг бүхий “баг” томилон ажиллуулж, мэдээ авах, нэгтгэх, хянах, холбогдох газруудад танилцуулах ажлыг зохион байгуулна.

Эмнэлгийн эргэлт, хөдөлгөөнийг хязгаарлах талаар дотоод журамд өөрчлөлт оруулна.

Жирэмсний үзлэг, хяналт, дархлаажуулалт зэрэг эмнэлгийн тусlamж, үйлчилгээг өөр газарт түр шилжүүлнэ.

Шаардагдах эм, оношуур, багаж хэрэгсэл, хувийн хамгаалах хэрэгслэл, ариутгал, халдвартгүйтгэлийн бодисоор хангаж, эрчимт эмчилгээ, сэхээн амьдруулах тусlamж, үйлчилгээний тоног төхөөрөмжийн хэвийн ажиллагааг хангана.

Хоёр. Халдварт хяналт

Эмнэлгийн халдварт хяналтын алба, багийн тандалт, хяналтын үйл ажиллагааг идэвхжүүлэн халдвартын эсрэг дэглэмийн хэрэгжилтийг 3-5 хоног тутамд, шаардлагатай бол тухайн үед хэлэлцэж, авах арга хэмжээний чиглэл, шийдвэрийг гаргаж ажиллана. Эмч, эмнэлгийн ажилтнуудыг хамгаалах хувцас, хэрэгслээр бүрэн хангана.

Цэвэрлэгээний материал, ариутгал, халдвартгүйтгэлийн бодисоор тасралтгүй хангана. Төвлөрсөн ариутгал /хэсэг/-ийн үйл ажиллагааны горимын хэрэгжилт, чанарын байдалд хяналт, тандалт зохион байгуулна.

Сэхээн амьдруулах, эрчимт эмчилгээний тасаг, лабораторит ажиллагсдыг нүдний шил, шүүлтүүртэй амны хаалт (N95)-аар хангана.

Эмнэлгээс шалтгаалсан халдварт гарахаас сэргийлнэ. Халдварт гарсан үед бүртгэх, мэдээлэх, шалтгааныг тогтоох, таслан зогсоох арга хэмжээ авна.

Гурав. Тархвар зүйн тандалт

Томуугийн эмнэл зүйн шинж тэмдгийн тандалтыг үйлчлүүлэгчид, өвчтөнүүд эмч, эмнэлгийн ажилтнуудын дунд тогтмол хийнэ.

Сэжигтэй болон магадлалтай тохиолдлыг Эрүүл мэндийн сайдын 2009 оны 351 тоот тушаалын дагуу мэдээлэн, хавьтлын судалгаа, вирусийн эсрэг эмийн сэргийлэлт хийх зэргээр хариу арга хэмжээг шуурхай авна.

Амьсгалын замын шинж илэрсэн өвчтөнд амны хаалт хэрэглүүлэн түр тусгаарлан шаардагдах арга хэмжээг шуурхай авч, зохих заавар зөвлөмж өгнө.

Дөрөв. Эмнэлгийн орны зохицуулалт

Шинэ өвчтөн хүлээн авах болон тусгаарлах өрөөнүүдийг бэлэн байлгана. Шаардлагатай тохиолдолд төлөвлөлтийн дагуу нэмэлт ор гарган өвчтөнийг хүлээн авна

Тав. Нөөцийн зохицуулалт

Хамгаалалтын хувцас, хэрэгслэл, ариутгал, халдвартгүйтгэлийн бодис, эм, бэлдмэлийн нөөцийг хэвийн үеэс 20-иос дээш хувиар нэмэгдүүлнэ.

Эрчимт эмчилгээ, сэхээн амьдруулахад нэн шаардлагатай багаж, тоног төхөөрөмж, эм, эмнэлгийн хэрэгслийн нөөцийг хангалтын гэрээний дагуу бэлдэнэ.

4.6.3. Томуугийн шинэ вирусийн халдварт бүртгэгдсэн эрүүл мэндийн тусламж, үйлчилгээний эрэлт хэрэгцээ ихэссэн үед эмнэлэгт авах арга хэмжээ (3 дугаар түвшин)

Нэг. Зохион байгуулалт

Захирал, дарга, тасаг, кабинетийн эрхлэгчийг эзгүйд ажил орлох хүнийг томилох, нэмэлтээр дайчлан ажиллуулах эмч, эмнэлгийн ажилтны талаарх шийдвэрийг гарган хүний нөөцийн бэлэн байдлыг хангана. Шаардлагатай гэж үзвэл ойрын болон дунд хугацаанд (4-өөс доошгүй сар) эмч, эмнэлгийн ажилтан нэмэлтээр дайчлан ажиллуулах талаар шийдвэрийг гаргаж хэрэгжүүлнэ.

Мэдээ, мэдээлэл дамжуулах үйл ажиллагааг зохицуулах үүрэг бүхий “баг” томилон ажиллуулж, мэдээ авах, нэгтгэх, хянах, холбогдох газруудад танилцуулах ажлыг зохион байгуулна.

Эмнэлгийн эргэлт, хөдөлгөөнийг хязгаарлах талаар дотоод журамд өөрчлөлт оруулна. Эмнэлгийн дотоодын хөдөлгөөн, эргэлт, амбулаторит үзүүлж буй өвчтөнийг дагалдах хүний тоог хязгаарлана.

Жирэмсний хяналт, биеийн өсөлт хөгжилтийн хэмжилт, дархлаажуулалт зэрэг амбулаторийн тусламж, үйлчилгээ үзүүлэх кабинет, нэгжийг өөр газар шилжүүлэх арга хэмжээ авч болно.

Хоёр. Халдварт хяналт

Эмнэлгийн халдварт хяналтын алба, багийн тандалт, хяналтын үйл ажиллагааг идэвхжүүлэн халдвартын эсрэг дэглэмийн хэрэгжилтийг өдөр бүр хянана. Эмч, эмнэлгийн ажилтнуудыг хамгаалах хувцас, хэрэгслээр бүрэн хангана.

Цэвэрлэгээний материал, ариутгал, халдвартгүйтгэлийн бодисоор тасралтгүй хангана.

Төвлөрсөн ариутгал /хэсэг/-ийн үйл ажиллагааны горимын хэрэгжилт, чанарт хяналт, тандалт хийнэ.

Сэхээн амьдруулах, эрчимт эмчилгээний тасаг, лабораторит ажиллагсдыг нүдний шил, шүүлтүүртэй амны хаалт (N95 зэрэг)-аар хангана.

Эмнэлгээс шалтгаалсан халдварт гарахаас сэргийлнэ. Эмнэлгээс шалтгаалсан халдварт гарсан үед бүртгэх, мэдээлэх, шалтгааныг тогтоох, таслан зогсоох арга хэмжээг шуурхай авна.

Гурав. Тархвар зүйн тандалт

Томуугийн цартахлын магадгүй болон батлагдсан тохиолдлыг тодорхойлолтын дагуу мэдээлэн хавьтлын судалгаа, вирусийн эсрэг эмийн сэргийлэлт хийх зэргээр хариу арга хэмжээг шуурхай авна. Өвчлөл, хүндрэл, нас баралт, тархалтын байдлыг тогтмол хянана.

Дөрөв. Эмнэлгийн орны зохиуулалт

Эмнэлэгт удаан хэвтэх архаг эмгэгтэй өвчтөнүүдийг гэрийн асаргаанд шилжүүлнэ. Сэхэн амьдруулах, эрчимт эмчилгээ хийлгэх шаардлагатай бусад өвчтөн болон томуугийн хүндрэлийн улмаас хэвтэн эмчлүүлэх өвчтөнүүдэд нэмэлт ор бэлдэж тусламж, үйлчилгээ үзүүлнэ.

Мэс заслын дараах хүндрэл багатай өвчтөнүүдийг гэрийн асаргаанд шилжүүлэн томуутай өвчтөнд зориулсан орыг нэмэгдүүлнэ.

Мөн төлөвлөсний дагуу өвчтөн хэвтүүлэх нэмэлт эмнэлэг зохион байгуулна (зочид буудал, сургууль, театр, орон нутгийн эмнэлэг...гм).

5. Шуурхай илрүүлэлт, хариу арга хэмжээ

Цартахлын үед нийгмийн эрүүл мэндийн аливаа шийдвэрийг засаг захиргааны түвшин бүрт гаргана. Орон нутгийн нийгмийн Эрүүл мэндийн ажилтнууд өөрийн нутаг дэвсгэрт цартахалтай тэмцэх, сэргийлэх талаар хүн амын дунд дараах арга хэмжээг хэрэгжүүлнэ.

- Цартахлын тухайн үеийн нөхцөл байдалд үнэлгээ өгч, эмийн бус урьдчилан сэргийлэх арга хэмжээг хэрэгжүүлэх.
- Гар угаах, амьсгалын замын халдварын үед баримтлах эрүүл ахуй, ариун цэврийн дэглэм зэргийг сурталчлах.
- Хүн амын дунд халдвар тархахаас сэргийлсэн арга хэмжээнүүдийг зохион байгуулах (хэсэгчилсэн тусгаарлалт, хөл хороо г.м)

5.1. Томуугийн цартахлын вирусийн халдварын тандалт

- Томуугийн цартахлын вирусийн халдварын тохиолдлыг илрүүлэх, баталгаажуулах,
- Томуугийн цартахлын вирусийн халдварын тархалтын цар хүрээг тогтоох,
- Өвчний эрт үеийн хүндрэлийн үнэлгээг хийх.

5.1.1. Томуугийн цартахлын халдварын тохиолдлыг мэдээлэх

“Томуу, томуу төст өвчний (ТТӨ) мэдээ авах журмын тухай” Эрүүл мэндийн сайдын 2009 оны 351 тоот тушаалын 4 дүгээр хавсралтаар батлагдсан маягтын дагуу мэдээлнэ.

ТТӨ-ний хөнгөн, дунд хэлбэр, уушгины үрэвсэл, амьсгалын замын хүнд халдвар зэрэг амьсгалын доод замын халдвар болон лабораториор батлагдсан тохиолдлыг мэдээлнэ.

5.1.2. Тохиолдлын эмнэлзүйн тодорхойлолт

1. Батлагдсан тохиолдол:

ТТӨ-ний шинж тэмдэг илэрсэн, цочмог халууралттай ($38^{\circ}\text{C}<$) амьсгалын замын халдвартай.

Томуугийн цартахлын вирусээр сэдээгдсэн нь дараах шинжилгээний аль нэгээр баталгаажсан байна. Үүнд:

- Бодит хугацааны Полимеразын гинжин урвал (ПГУ)
- Эсийн өсгөвөр
- Томуугийн цартахлын вирусийн өвөрмөц эсрэг бие 4 дахин нэмэгдэх

2. Магадлалтай тохиолдол:

- Бодит-цагийн ПГУ-аар томуугийн вирус илэрсэн.
- Улирлын томуугийн вирусийн халдвартай илрүүлэх фермент холбох урвал, иммунохроматографийн аргаар томуугийн вирус тодорхойлогдсон,
- Шалтгаан тодорхойгүй амьсгалын замын цочмог халдвартай улмаас нас барсан,
- Батлагдсан болон магадлалтай тохиолдолтой тархвар зүйн холбоотой тохиолдлыг хэлнэ.

Олон улсын эрүүл мэндийн дүрэм (ОУЭМД, 2005)-ийн дагуу томуугийн шинэ вирусээр үүсгэгдсэн хүний өвчлөлийг ДЭМБ-д мэдээлнэ. Мэдээллийг ОУЭМД (2005)-ийн хавсралт 2-ын дагуу цуглуулна.

Хэрвээ халдвартай улс орноос дамжин ирсэн тохиолдолд боломжтой бол аялалын түүхийг мэдээлнэ.

Амьсгалын замын цочмог халдвартай хэвийн бус голомтлосон өвчлөлийн тохиолдлыг ДЭМБ-д мэдээлнэ.

Голомтлосон өвчлөлийн тохиолдлын тодорхойлолт:

Шалтгаан тодорхойгүй, цочмог халууралттай ($38^{\circ}\text{C}<$) амьсгалын замын халдвартай шинжтэй 2 ба түүнээс дээш эсвэл шалтгаан тодорхойгүй амьсгалын замын халдвартай улмаас нас барсан, шинж тэмдэг нь 14 хоногийн дотор газар зүйн нэг бүсэд илэрсэн буюу тархвар зүйн хувьд хамааралтай тохиолдлуудыг хэлнэ.

5.2. Томуугийн цартахлын A/H1N1/ вирусийн халдвартай тохиолдлын тархвар зүйн судалгаа:

Тархвар зүйн судалгааг дараах тохиолдолд хийх ба энэхүү тушаалын 2 дугаар хавсралтаар баталсан судалгааны хуудсыг хэрэглэнэ. Үүнд:

- Шалтгаан тодорхойгүй ТТӨ буюу амьсгалын доод замын халдвартай.

- Амьсгалын замын халдвартай өвчтөнд тусламж үзүүлж буй нэг ба түүнээс дээш эмнэлгийн ажилтанд амьсгалын замын хүнд халдвар илрэх,
- ТТӨ, амьсгалын доод замын халдварын нас баралтын тархвар зүйн шинж өөрчлөгдөх, амьсгалын замын өвчний нас баралт ихсэх, насанд хүрсэн эрүүл хүмүүс, залуучуудад амьсгалын замын хүнд халдвар илрэх,
- Амьсгалын доод замын хүнд халдварын тавиланд тогтвортой өөрчлөлт гарах.

5.3. Лабораторийн баталгаажилт

Томуугийн тохиолдлыг тодорхойлолтын дагуу оношлосон эмч вирусийн эсрэг эмийн эмчилгээ эхлэхээс өмнө өвчний эхний 3 хоногт сорьцыг авна. Өвчтөнөөс хамрын арчдас, хамрын угаадас, нас барсан тохиолдолд уушкины здийн гүнээс буюу гуурсан хоолойноос эд, эсийн сорьц авна. Шинжлэгдэхүүн авах эмч, эрүүл мэндийн ажилтан хамгаалах хувцсыг бүрэн өмсөнө.

Шинжлэгдэхүүн авахад дараах зүйлийг бэлдсэн байна. Үүнд:


- Халад
- Амны хаалт
- Бээлий
- 7-8 см урт уян иштэй ариун бамбар
- 2-4 мл вирус зөөвөрлөх орчин бүхий бөглөөтэй хуруу шилнүүд
- Хуруу шил тогтоогуур
- Шинжлэгдэхүүн зөөвөрлөх зориулалтын сав
- Шинжлэгдэхүүнийг дагалдах бичиг

Томуугийн халдварын үед цуглуулсан шинжлэгдэхүүнийг нийслэлд 24 цагийн дотор мөсөн элемент бүхий саванд хийж, хөлдөөхгүйгээр тээвэрлэж лабораторит хүргэнэ. Хөдөө орон нутагт өдөрт нь тээвэрлэх боломжгүй үед -70°C-д хадгалж, эсвэл мөсөн элементтэй саванд 48 цагийн хугацаанд хөлдөөхгүйгээр тээвэрлэж лабораторит хүргэнэ. Эд, эсийн сорьцыг хөлдөөхгүйгээр аль болох хурдан лабораторит хүргэнэ. Боломжгүй бол -70°C-д хадгалж, хөлдүүгээр тээвэрлэнэ.

Томуугийн цартахлын вирусийг тодорхойлох ПГУ-ын шинжилгээг ХЭСҮТ-ийн амьсгалын замын вирус судлалын лаборатори /АЗВСЛ/, Дархан Уул, Орхон аймгийн Нэгдсэн эмнэлгийн вирус судлалын лабораторит, вирус өсгөвөрлөх, вирусийн эсрэгтөрөгчийн хэвшинжийг цус наалдахыг saatuuлах урвалаар тодорхойлох шинжилгээг ХЭСҮТ-ийн АЗВСЛ-т биоаюулгүй ажиллагааны хоёрдугаар зэргийн орчинд хийнэ. Шинжилгээний дүнг 7 хоног тутамд утсаар

болон цахим хэлбэрээр эргэж мэдээлнэ. ПГУ-ын шинжилгээний дүн 24-48 цагийн дотор гарна.

Лабораторийн шинжилгээний бүдүүвч



5.4. Шуурхай хариу арга хэмжээ

Томуугийн цартахлын вирусийн халдвартыг таслан зогсоох дараах арга хэмжээг авч хэрэгжүүлнэ. Үүнд:

1. Эрт илрүүлэн мэдээлэх,
2. Эрсдлийн үнэлгээ хийх,
3. Нөөцийг дайчлах,
4. Халдвартыг таслан зогсоох арга хэмжээ авах,

5. Эрсдлийн үнэлгээний дагуу өвчинд өртсөн хүн амын дунд халдвартархах үйл явцыг хянах,
6. Амьсгалын замын хүнд эмгэгтэй өвчтөний биеийн байдлыг үнэлэн, тусгаарлаж, эмчилгээ хийх,
7. Шалтгаан нь тодорхойгүй амьсгалын замын хурц, хүнд өвчнийг шуурхай илрүүлэн, сум дүүрэг, аймаг хот, үндэсний тандалтын нэгжид мэдээлэх,
8. Үйл явдалд суурилсан тандалтаар ирсэн мэдээг баталгаажуулах зорилгоор тархвар судлалын анхны судалгаа, шинжилгээ хийх,
9. Эмнэлзүй болон тархвар зүйн судалгаагаар цуглуулсан баримтыг лабораторийн шинжилгээгээр шуурхай баталгаажуулах,
10. Өвчтөнийг тусгаарлах, хавьтлыг судлан гэрт нь байлгах, хувийн хамгаалах хэрэгслэл хэрэглэх, олон нийтийг мэдээллээр хангах арга хэмжээ авах,
11. Өвчтэй болон эрсдэлт бүлгийн хүмүүст вирусийн эсрэг эм бэлдмэл хэрэглэх.

6. Томуугийн цартахлын бэлэн байдал, урьдчилан сэргийлэлт

Томуугийн цартахлын тандалт, вакцин, вирусийн эсрэг үйлдэлтэй эм бэлдмэлийн хэрэглээ, нийгмийн тусламж үйлчилгээ, онцгой байдлын үеийн тусламж үйлчилгээний бэлэн байдлыг хангах, нийгмийн эрүүл мэндийн арга хэмжээ зэрэг нь бэлэн байдлыг хангах арга хэмжээнд орно.

6.1. Томуугийн цартахлын вирусийн шинж төрх

Томуугийн цартахлын вирусийн халдварын нууц үеийн хугацаа дунджаар 1-3 хоног байна. Томуугийн цартахлын вирусийн халдвартай байх хугацаа өвчний шинж тэмдэг эхлэхийн өмнөх 24 цаг, өвчний шинж тэмдэг тод илэрсэн үе буюу насанд хүрэгчдэд 3-5 хоног, бага насны хүүхдэд 7 хоног хүртэл байна.

Насанд хүрэгсэд болон хүүхдэд томуугийн цартахлын вирус ялгарах үе нь ханиаж, найтаах болон биеийн хэм нэмэгдэх үетэй давхацдаг. Вирусийн эсрэг үйлдэлтэй эм хэрэглэж байгаа тохиолдолд вирус ялгарах хугацаа богиносно.

Томуугийн вирусийн гадаад орчинд амьдрах чадвар нь орчны хэм, чийгшлээс хамаардаг. Вирус хатуу гөлгөр гадаргуу дээр 24-48 цаг, хувцас эдлэл болон цаасан дээр 8-12 цаг, хүний гарын арьсанд 5 минут, өтгөн ялгадсанд 37 хэмд 6 хоног, 4 хэмд 25 хоног амьд байна. Агаарын чийгшил бага, хүйтэн орчинд вирус тэсвэртэй. Харин 70 хэмийн халуун, халдвартгүйтгэл, ариутгалын ихэнх уусмалд идэвхээ 2-5 минутад алддаг.

6.2. Нөөцийн менежмент

Томуугийн цартахлын үед нөөцийг зөв хуваарилах нь чухал бөгөөд эмнэлэг, нийгмийн тусламж, үйлчилгээний бүх салбарт богино хугацаанд хангарт хийх шаардлага гарна.

Эмнэлгийн ажилтан, эм хэрэгсэл, тоног төхөөрөмжөөс гадна ундны ус, хоол хүнс, хамгаалах хувцас, хэрэглэл, сэтгэл зүйн дэмжлэг болон нийгмийн хамгааллын бусад дэмжлэг туслалцаа хүн амд шаардагдана.

Бүх шатны эрүүл мэндийн байгууллагууд цартахлыг даван туулах одоогийн чадавх, бэлэн байдалд үнэлгээ өгч холбогдох арга хэмжээг авна. Эмч, ажиллагсад өвчилсний улмаас цартахлын үед ажиллах боломжгүй болохыг урьдчилан тооцон хүний нөөцийг төлөвлөнө.

Цартахлын үед ажилтнууд ажил үүргээ гүйцэтгэх нөхцлийг бий болгохын тулд ажиллагсдын хүүхдийг асрах, сэтгэл санааны дэмжлэг үзүүлэх зэрэг арга хэмжээг авна.

Эрүүл мэндийн салбарын бүх шатны удирдлага бэлэн байдлын төлөвлөгөөндөө сэтгэл зүйн, нийгмийн халамжийн дэмжлэг туслалцаа үзүүлэх арга хэмжээг тусгасан байх шаардлагатай.

Удирдлага, зохион байгуулалтын түвшин бүрт нөөцийг төлөвлөхдөө дараах зүйлсийг анхаарах хэрэгтэй. Үүнд:

- Ажиллах хүчиний одоогийн чадавх болон тэдгээрийн хуваарилалт, гүйцэтгэж буй ажил үүргийг нь үнэлэх,
- Цартахлын үед зайлшгүй гүйцэтгэх ажил үйлчилгээг тодорхойлж, хэвийн ажиллах нөхцлөөр хангах, нөөц ажилтныг сургаж бэлтгэх,
- Өндөр насны тэтгэвэрт байгаа болон ажлаас гарсан хүмүүс, оюутнуудаас цартахлын үед ажиллах хүмүүсийг судлан шаардлагатай тохиолдолд ажиллуулах бэлтгэлийг хангах,
- Цартахлын вакцин тариулсан болон цартахлын вирусийн омгоор өвчлөн дархлаатай болсон ажилтан, албан хаагчдын жагсаалтыг гаргах,
- Өвчтөн хүлээн авах, тусгаарлах ажиллагааг оновчтойгоор зохион байгуулснаар эмнэлгийн ажилтан халдварт өртөх эрсдлийг багасгах,
- Сайн дурьын ажилтан, өвчтөний гэр бүлийн гишүүдийг халдвартын эсрэг дэглэм, хамгаалах хувцас хэрэглэх зэрэгт сургах.

Вирусийн халдвартын дэгдэлтийн үед эрүүл мэндийн салбарын ажилтнууд нь хүнс, хөдөө аж ахуй, байгаль орчин, мал эмнэлгийн мэргэжилтнүүдтэй хамтран баг болж ажиллах тул багуудад нэгдсэн сургалт хийнэ.

Түүнчлэн хувийн хамгаалах хэрэгслийг зөв өмсөж тайлах, гарын эрүүл ахуйн дэглэмийг сахих тухай сургалтыг эрүүл мэндийн ажилтнуудад тогтмол явуулна.

6.3. Нийгмийн эрүүл мэндийн арга хэмжээ

Нийгмийн эрүүл мэндийн арга хэмжээ нь халдвартыг таслан зогсоох, тархалтыг хязгаарлах, цартахлын хохирлыг бууруулах арга хэмжээний нэг юм.

Томуугийн цартахлын тархалтаас урьдчилан сэргийлэхэд хил, хилийн боомтуудын эрүүл ахуй, халдварт судлалын хяналтыг сайжруулах нь нэн чухал.

Цартахлын 3-р үе шатанд вирусийн шинж хэвшинж хүний биед халдварт үүсгэх боловч хүнээс хүнд халдварт дамжихгүй, маш ховор тохиолдолд ойрын хавьтталд халдана. Хилийн боомтууд дээр хөл хорио тогтоох, шинжилгээ хийх шаардлагагүй. Харин халдвартын эсрэг дараах арга хэмжээг авч хэрэгжүүлнэ. Үүнд:

- Эмнэлзүйн шинж илэрсэн хүнийг эрт илрүүлэн, тусгаарлах.
- Өвчний шинж тэмдэг илэрснээс хойш 7 хоногийн хугацаанд ойрын хавьтлуудыг ажиглалтад байлгаж, эрүүл мэндийн байдлыг хянах.
- Эмчилгээнд вирусийн эсрэг үйлдэлтэй эм бэлдмэл хэрэглэх,
- Шаардлагатай тохиолдолд ойрын хавьтлуудыг химийн сэргийлэлтэд хамруулах,
- Эрүүл мэндийн ажилтнууд халдвартын эсрэг дэглэмийг чанд мөрдөх,
- МСС-г эрчимтэй зохион явуулах.

Цартахлын 4-5 дугаар шатанд хүнээс хүнд халдвартын вирусийн чадвар нэмэгдэх хэдий ч эрчимтэй биш байна. Цаг хугацаа болон байршлын хувьд хоорондоо холбоотой голомтын тоо ихсэх нь вирусийн халдвартын чадвар нэмэгдэж байгааг илтгэсэн тархвар зүйн дохио болно.

Эдгээр үе шатанд дор дурьдсан арга хэмжээг авч хэрэгжүүлнэ. Үүнд:

- Томуугийн цартахлын халдвартын сэжигтэй болон магадлалтай тохиолдлыг эрт илрүүлэн, тусгаарлах,
- Өвчний шинж тэмдэг илэрснээс хойш 7 хоногийн хугацаанд ойрын хавьтлуудын эрүүл мэндийн байдлыг хянах,
- Эмчилгээнд вирусийн эсрэг үйлдэлтэй эм бэлдмэл хэрэглэх,
- Шаардлагатай тохиолдолд ойрын хавьтлуудыг химийн сэргийлэлтэд хамруулах,
- Эрүүл мэндийн ажилтнууд халдвартын эсрэг дэглэмийг чанд мөрдөх,

- Шаардлагатай гэж үзвэл хүн амын шилжилт хөдөлгөөнд зохицуулалт хийх,
- Хүний өвчлөл бүртгэгдсэн улс, орноос ирж буй хүмүүст ажиглалт хийх.

Томуугийн цартахлын 6 дугаар үе шатанд буюу цартахлын шинэ вирус дэлхийн улс орнуудаар дамжин, олон улсын хэмжээнд тархсан үед Засгийн газар нөхцөл байдлаас шалтгаалан дараах арга хэмжээг авч хэрэгжүүлнэ. Үүнд:

- Хавьтлуудыг хөл хорионд байлгах шаардлагагүй,
- Шаардлагатай гэж үзвэл эрүүл мэндийн ажилтнууд болон хүн ам амны хаалт хэрэглэх,
- Хүн олноор өвчилсөн үед халдварьн тархалтыг бууруулахад чиглэсэн үйл ажиллагаа явуулах,
- Шаардлагатай тохиолдолд сургууль, цэцэрлэгийг хаах, олон хүн цугларсан арга хэмжээг хязгаарлах,
- Мэдээлэл, сургалт сурталчилгааг эрчимтэй зохион байгуулах.

6.4 . Харилцаа холбоо, хамтын ажиллагаа

6.4.1. Салбарын дундын болон хоорондын харилцаа холбоо:

Салбар хоорондын харилцаа холбоонд дараах зарчмыг баримтална. Үүнд:

1. Цартахал дэгдсэн үед яам, салбар, байгууллага тус бүр ямар бүрэлдэхүүн, үүрэг хариуцлагатайгаар оролцох тухай мэдээллийг оролцогч талуудад мэдэгдэх,
2. Хүн, амьтны томуугийн өвчлөлийн үед эрүүл мэнд, мал эмнэлгийн салбар ямар нэг зүйлийг орхигдуулах эсвэл давхардуулахгүй ажиллах,
3. Цартахлын үе шат өөрчлөгдөн, дараагийн үе шатанд шилжих зэрэг үйл явдлыг холбогдох байгууллагуудад цаг алдалгүй мэдэгдэх.

Эрүүл мэндийн салбар дундын харилцаа холбоонд дараах зарчмыг баримтална. Үүнд:

1. Онцлог өвчин, үзэгдлийг дээд шатны холбогдох байгууллагад мэдээлэх үйл явц шуурхай байх,
2. Шинэ мэдээлэл, цагийн байдал, тушаал, шийдвэрийг бүх түвшний байгууллагад шуурхай хүргэх,
3. Бүх шатны эрүүл мэндийн байгууллагууд шаардлагатай мэдээлэл, журам, заавраар бүрэн хангагдсан байх,
4. Орон нутагт ажиллах ажлын хэсэг, багууд шаардлагатай хэрэгслэлээр хангагдсан байх,

5. Бүх шатны эрүүл мэндийн байгууллагын ажилтнуудыг томуугийн цартахлын протокол, стандарт, үйл ажиллагааны журам, зөвлөмж зэргээр ханган, телеконференц, шууд ярилцлага хийх, үндэсний болон олон улсын байгууллагуудтай хамтран ажиллах.

6.4.2. Олон нийтийн харилцаа холбоо

Цартахлын үед олон нийт болон эмнэлгийн ажилтнуудад томуугийн эмнэлзүйн шинж, эмчилгээний талаар мэдээлэл өгнө.

Хүн амыг үнэн зөв мэдээллээр хангах нь халдварт өртөхөөс сэргийлэх гол арга зам юм.

Эрсдлийн үеийн үр дүнтэй харилцаа холбоо нь олон нийтэд итгэл төрүүлэн, хувь хүн өөрийгөө хамгаалах арга, хэлбэрээ сонгох боломжийг бий болгоно.

Эрсдлийн үеийн харилцаа холбоо нь эрсдлийн менежментийн нэг хэсэг бөгөөд дараах зүйлүүдийг өөртөө багтаасан байна. Үүнд:

1. Эрүүл мэндийн ажилтан болон хэвлэл, мэдээллийнхэнтэй тогтоох дэгдэлтийн үеийн харилцаа холбоо,
2. Мэдээлэл, сургалт сурталчилгааны материал

Томуугийн эмнэлзүйн илрэл, хүндрэлийн тухай мэдээллийн багц нь эрүүл мэндийн тусламж, үйлчилгээ үзүүлэх, урьдчилан сэргийлэхэд чухал ач холбогдолтой.

Мэдээллийн багцад хүүхэд, залуучууд, өндөр настай хүмүүст зориулсан мэдээллийг тусад нь багтаасан байх бөгөөд цаг алдалгүй тараах төлөвлөгөөтэй байна.

6.5. Цартахлын вакцин, вирусийн эсрэг эм

6.5.1. Дархлаажуулалт

Томуугийн вирусийн эсрэг дархлаажуулалт нь томуугаас шалтгаалсан өвчлөл, эндэгдлийг бууруулах хамгийн үр дүнтэй арга юм.

ДЭМБ томуугийн өвчлөлийн дараагийн улиралд хүн амын дунд эргэлдэх вирусийн омгийг шинжлэх ухааны үндэслэлтэйгээр судлан шинжилж, шинэ вакцины найрлагыг жил бүр тодорхойлдог.

2009 оны 11-р сарын 23-ны өдрийн Эрүүл Мэндийн сайд, Онцгой Байдлын Ерөнхий Газрын даргын хамтарсан 396/426 тоот “Дархлаажуулах төлөвлөгөө батлах тухай” тушаалын дагуу томуугийн цартахлын эсрэг дархлаажуулалтыг зохион байгуулна.

6.5.2. Вирусийн эсрэг эм

Томуугийн цартахлын үед вирусийн эсрэг үйлдэлтэй эм, бэлдмэлийн нөөц шаардлагатай.

Вирусийн эсрэг үйлдэлтэй эм бэлдмэлийг эмнэлзүйн болон тархвар зүйн нөхцөл байдалтай уялдуулан заалтын дагуу хэрэглэнэ.

Өмнөх зуунд тохиолдсон цартахлын З удаагийн туршлага дээр тулгуурлан, хүн амд цартахлын учруулах эрүүл мэндийн хохирлын хэмжээг тооцоолно. Тухайлбал: Халдварталтын түвшин 20-30%, эмнэлзүйн тохиолдлуудын 25% эрүүл мэндийн байгууллагад хандан, 1% нь эмнэлэгт хэвтэх болно гэж дараах тооцоог хийсэн. Үүнд:

- Өвчлөл 520000 – 780000 тохиолдол,
- Амбулаторийн үзлэг 130 000–195 000 тохиолдол (буюу нийт хүн амын 5%).
- Томуу, ТТӨ-ий хүндрэлээс шалтгаалсан нас баралт 3120–4680 тохиолдол (буюу нас баралтын үзүүлэлт 1968 оныхтой адил 0.6%),
- Томуу ба томуугийн хүндрэлээс шалтгаалсан эмнэлэгт хэвтэлт 5200 – 7800 тохиолдол гэж тооцоолсон.

Вирусийн эсрэг эмийн хэрэглээ, хэрэгцээ

A. Эмчилгээ

Дунд болон хүнд явцтай өвчтөнүүдэд оселтамивирийг өдөрт 2 удаа, 5 хоногийн турш хэрэглэнэ гэж тооцвол 130000 эмчилгээний хүн/тун шаардлагатай болно. Хэрэв халдварталтын түвшин тооцоолж байгаагаас өндөр байвал хэрэгцээ өснө. Жишээлбэл: халдварталтын түвшин 30%-д хүрвэл 195000 хүн/тун нэмэлтээр шаардагдана.

Цартахлын үеийн “давалгаа бүрийн” тархалтын бодит түвшин, өвчний явц зэргээс хамааран дээрх тооцоо өөрчлөгдж болно.

B. Урьдчилан сэргийлэх:

Эрүүл мэндийн салбарт 3500 орчим ажилтан, ажиллагсадад 7 хоногийн турш урьдчилан сэргийлэлт хийнэ гэж тооцвол 24500 тун оселтамивир шаардагдана. Цартахлын омгоор өвчилсний дараа эсвэл вакцин хэрэглэсний дараа хүн амд дархлаа тогтохын хирээр вирусийн эсрэг үйлдэлтэй эм бэлдмэлээр сэргийлэлт хийх хэрэгцээ шаардлага буурна.

5.6. Эмнэлгийн халдвэр хяналт

Томуугийн цартахлын вирусийн халдвэр нь агаар дусал, хавьтлын замаар дамжина. Уг халдвараас сэргийлэхийн тулд хамгаалах чадвартай шүүлтүүртэй N95 амны хаалт хэрэглэхийг ДЭМБ-аас зөвлөж байна. Үүнээс гадна хэрэв боломжтой бол сөрөг даралттай өрөөг ашиглахыг зөвлөж байна.

- Өвчтөнийг ганцааранг нь нэг өрөөнд тусгаарлана. Хэрэв тусад нь байлгах өрөө байхгүй бол, олон ортой өрөө буюу тасаг дотор хяналтад байгаа өвчтнүүдээс тусад нь байлгана, өвчтөний ор хооронд 1 метрийн зайнд хаалт (хөшиг, таславч)-аар тусгаарлагдсан байна.
- Халдвэр агаар дусал болон хавьтлын замаар тархахаас сэргийлсэн халдварын эсрэг дэглэмийг мөрдөнө.
- Өвчтөнтэй шууд харьцах эмнэлгийн ажилтны тоог багасган шаардлагатай хамгаалах хувцас, хэрэгслээр хангана.
- Өвчтөний эргэлтийг зохицуулж, зөвлөмж, сурталчилгааны материалаар хангана.
- Өвчтөнтэй шууд харьцаж буй эмнэлгийн ажилтнууд өөрсдийн биеийн хэмийг өдөрт 2 удаа тогтмол хянаж, хэрэв халуун нэмэгдэх шинж илэрвэл эмнэлгийн захиргаанд мэдэгдэнэ. Өвчтөнтэй шууд харьцаж байсан эмнэлгийн ажилтан халуурвал ($>38^{\circ}\text{C}$) оселтамивирийг 5 хоногийн турш уулгана.
- Хог хаягдлыг “Биологийн аюултай” гэсэн бичээс бүхий ус үл нэвтрүүлэх, битүү уутанд хийн устгана. Өвчтөний хэрэглэж байсан цагаан хэрэглэл болон дахин хэрэглэж болох эд материалыг тусад нь байлган, халдвартгүйтгэнэ.

Амьсгалын замын хурц өвчтэй хүний онош тодорхой болтол түүнтэй харьцаж буй бүх хүмүүс халдварын эсрэг дэглэмийг чанд баримтлан мөрдөнө.

6.6.1. Тусгаарлах өрөөний бэлтгэл

Өрөөний хаалганы гаднах “сээрэмжүүлэг хуудас”-нд тусгаарлах өрөө рүү орж байгаа эмнэлгийн ажилтан, эргэлтээр ирэгсэд нэрээ бичнэ.

Цэвэр цагаан хэрэглэлийг тусгаарлах өрөөнөөс гадна солих өрөөнд байлгана. Угаалтуур нь хэвийн ажиллагаатай байна. Спиртэнд сууриссан гар халдвартгүйтгэх уусмалыг хүрэлцээтэй байлгана. “Биологийн аюултай” хаягтай хогийн уутыг хөлөөр онгойлгодог хогийн саван дотор байрлуулна. Өвчтөний хувийн эд юмсыг бага байлгах бөгөөд аяга, халбага, салфетка, хувийн ариун цэврийн хэрэгцээт бүх зүйлсийг өвчтөний гар хүрэх газар байрлуулна.

Хувийн хамгаалах хэрэгслэл, халдвартгүйтгэл, ариутгалын тоног төхөөрөмж бүхий таглаатай савыг хаалганы гадна байрлуулна. Өвчтөний өрөөг цэвэрлэх, халдвартгүйтгэхэд шаардлагатай тоног төхөөрөмжийг байлгаж, тусгаарлах өрөөнд өдөр тутам чийгтэй цэвэрлэгээ хийнэ. Тусгаарлах өрөөнд утас, дохиолол байлгана.

6.6.2. Өвчтөнийг шилжүүлэх, тээвэрлэх

Өвчтөнийг тусгаарлах өрөө, эмнэлгээс шилжүүлэх, тээвэрлэхийг аль болох хязгаарлах бөгөөд зайлшгүй тохиолдолд амны хаалт зүүлгэн шилжүүлнэ.

Томуугийн цартахлын вирусийн халдварт авсан өвчтөнийг шилжүүлэх, тээвэрлэх үед эмнэлгийн ажилтнууд хувийн хамгаалах хэрэгсэл өмсөнө. Өвчтөний хүрсэн бүх гадаргууг цэвэрлэж, дараа нь халдвартгүйтгэнэ.

Өвчтөнийг дотроо таславч бүхий түргэн тусламжийн машинаар тээвэрлэнэ. томуугийн цартахлын вирусийн халварын сэжигтэй, магадлалтай, батлагдсан өвчтнүүдийг өөр эмнэлэгт шилжүүлэхээс өмнө хүлээж авах эмнэлэгт нь урьдчилан мэдэгдэж, амьсгалын замын халдвараас сэргийлэх арга хэмжээнүүдийг авна.

6.6.3. Хог хаягдлыг зайлцуулах

Томуугийн цартахлын вирусээр бохирлогдсон байж болзошгүй бохир хог хаягдалтай ажиллахдаа халварын эсрэг дэглэмийг мөрдөнө.

Эмнэлгийн хог хаягдалтай харьцахдаа бээлий өмсөнө. Тусгаарлах өрөөнөөс хог хаягдлыг ус нэвтэрдэггүй, хальж асгардаггүй биоаюулгүй сав буюу уутанд хийж гаргана. Уут, савны гадна талыг бохирдуулахаас зайлсхийж, бохирдсон тохиолдолд эхний уутны гадуур 2 дахь уутыг давхарлана.

Цагаан хэрэгслэлийг халдвартгүйтгэх

Бохирлогдсон цагаан хэрэгслэлийг тусгаарлах өрөөнд угаалгын уутанд хийнэ. Цагаан хэрэгслэлийн хамгийн их бохирдсон хэсэг нь төвд байхаар тооцоолж, цагаан хэрэгслэлийг эвхэх буюу хуйлж ороноо. Тусгаарлах өрөөнөөс бохирлогдсон цагаан хэрэгслэлийг зөөвөрлөхдөө заавал бээлий өмсөнө.

7. Томуугийн цартахлын вирусийн эмнэлзүй, эмнэлгийн тусламж

Томуугийн цартахлын вирусийн халдварт авсан хүн болгоныг эмнэлэгт хэвтүүлэх болон вирусийн эсрэг эмчилгээ хийх шаардлагагүй.

Харин амьсгаадах, цээжээр өвдөх, цэргийн ханиалгах, өндөр халуунтай (38°C), уушиг, зүрх судасны өвчин болон чихрийн шижин зэрэг архаг суурь өвчтэй хүнийг эмнэлэгт яаралтай хэвтүүлнэ. Мөн жирэмсэн эмэгтэйчүүдийг тусгай хяналтад авна.

Томуугийн цартахлын вирусийн халдварын эмнэл зүйн шинж тэмдэг илэрсэн үед баримтлах бүдүүвч

Дараах шинжийн аль нэг илэрсэн:

- $38^{\circ}\text{C} \leq$ халуунтай, амьсгалын замын цочмог халдварын шинж тэмдэг
- Ушигыны хатгаа (амьсгалын замын хүнд хэлбэрийн өвчлөл)

Дараах 2 шинжээс 1-ээс доошгүй шинж илэрсэн:

- Томуугийн цартахлын вирусийн халдварын батлагдсан тохиолдолтой ойрын хавьтад болсон
- Томуугийн халдварын хүнээс хүнд тогтвортой дамжих бүс нутагт аялсан

Томуугийн
цартахлын
вирусийн
халдварын
эрэг арга
хэмжээ
авахгүй



7.1. Хүчилтөрөгчийн эмчилгээ

Цусанд хүчилтөрөгчийг нэмэгдүүлэхийн тулд хүчилтөрөгчийн эмчилгээ хийнэ. Цусан дахь хүчилтөрөгчийн хэмжээг ДЭМБ-ын зөвлөмжийн дагуу 90%-иас дээш, зарим тохиолдолд /жирэмсэн эхчүүд/ босго үзүүлэлтийг 92-95% хүртэл нэмэгдүүлнэ. Хүчилтөрөгчийн хүнд дутагдалтай өвчтөнүүдэд хүчилтөрөгчийг минутанд 10 литр хүртэл хурдтай өгнө.

7.2. Антибиотик эмчилгээ

Урьдчилан сэргийлэх зорилгоор антибиотикийг хэрэглэхгүй. Уушгины үрэвслийн үед антибиотик эмчилгээг хийнэ. Хоёрдогч нянгийн халдварын үед нян судлалын шинжилгээний хариуг үндэслэн антибиотик хэрэглэнэ.

7.3. Вирусийн эсрэг эмчилгээ

Вирусийн эсрэг эмчилгээг аль болох эрт үед нь хэрэглэвэл илүү үр дүнтэй. Вирусийн эсрэг эмчилгээг жирэмсэн эмэгтэйчүүд, амьсгалын доод замын халдварт, уушгины үрэвсэл, суурь эмгэгтэй хүмүүст нэн тэргүүнд хийнэ.

Оселтамивирийг 1 буюу түүнээс дээш насын хүмүүст хийнэ. 13-17 насын хүүхэд, насанд хүрэгчдэд оселтамивирийн 75 мг-г өдөрт 2 удаа, 5 хоногийн турш хэрэглэнэ. 1-12 насын хүүхдэд дараах тунгаар хийнэ.

Д/д	Жин	Хэрэглэх тун хэмжээ
1	15≥	30 мг-р өдөрт 2 удаа 5 хоног
2	15-23 кг	45 мг-р өдөрт 2 удаа 5 хоног
3	24-40 кг	60 мг-р өдөрт 2 удаа 5 хоног
4	40-с дээш кг	75 мг-р өдөрт 2 удаа 5 хоног

Занамивирийг 5-аас дээш насын хүүхэд, насанд хүрэгчдэд хэрэглэнэ.

7.4. ХДХВ-ийн халдвартай хүнд үзүүлэх эмнэлгийн тусламж

7.4.1. Эмнэлзүй

Томуугийн цартахлын вирусийн халдвартай ялангуяа CD4 эсийн тоо багассан насанд хүрэгсэд, өсвөр насынханд богино хугацаанд даамжирч, нянгийн шалтгаант хоёрдогч хатгаагаар хүндрэх эрсдэлтэй. ХДХВ-ын халдвартай хүнд томуугийн цартахлын вирусийн халдвартай илэрвэл сорьц авч ХӨСҮТ-ийн АЗВСЛ-т илгээнэ.

7.4.2. Эмчилгээ

Томуугийн цартахлын вирусийн халдвартай насанд хүрэгсэд, өсвөр насынханд эхний ээлжинд вирусийн эсрэг эмчилгээ хийнэ.

Томуугийн цартахлын вирусийн халдвартай сэжигтэй, магадлалтай, батлагдсан тохиолдолтой ойрын хавьтал болсон буюу хамт байсан ХДХВ-ийн халдвартай насанд хүрэгсэд, өсвөр насныханд оселтамиивир болон занамиивир эмүүдийг сэргийлэлтийн зорилгоор хэрэглэнэ.

Өвчин эхэлсэн буюу эхний шинж тэмдэг илэрсэн даруйд эсвэл өвчин эхэлснээс хойш 48 цагийн дотор вирусийн эсрэг занамиивир (Relenza®) болон оселтамиивир (Tamiflu®) эмийг хэрэглэх нь үр дүнтэй. Эмчилгээнд 5 хоног, урьдчилан сэргийлэхэд 10 хоног хэрэглэнэ.

Эмчилгээний болон сэргийлэлтийн зорилгоор вирусийн эсрэг эмийг хэрэглэх явцад эмч өвчтөнд байнга хяналт тавина. Эмийн үр дүн, дашрамын нөлөөний илрэл, тухайн эмэнд вирус хир мэдрэг байгаа зэргээс хамаарч вирусийн эсрэг эмийн тун болон хэрэглэх хугацаа өөрчлөгдж болно. Вирусийн эсрэг эмийг хэрэглэхэд эсрэг заалт байхгүй.

Түүнчлэн томуугийн цартахлын эсрэг вакцинд хамруулж болно.

7.5. Жирэмсэн эмэгтэйчүүдэд үзүүлэх эмнэлгийн тусламж

7.5.1. Эмчилгээ, сэргийлэлт

Томуугийн цартахлын вирусийн халдвартай сэжигтэй, магадлалтай, батлагдсан жирэмсэн эмэгтэйд эхний ээлжинд вирусийн эсрэг эмчилгээ хийнэ. Жирэмсэн эмэгтэй нь томуугийн цартахлын вирусийн халдвартай сэжигтэй, магадлалтай, батлагдсан хүний ойрын хавьтал байвал вирусийн эсрэг эмээр урьдчилан сэргийлэлт хийж болно.

Өвчин эхэлсэн буюу эхний шинж тэмдэг илэрсэн даруйд болон өвчин эхэлснээс хойш 48 цагийн дотор вирусийн эсрэг занамиивир (Relenza®) болон оселтамиивир (Tamiflu®) эмийг хэрэглэх нь үр дүнтэй. Эмчилгээний зорилгоор 5 хоног хэрэглэнэ.

Томуугийн шалтгаантай өндөр халууралт нь ургийн мэдрэлийн гажиг үүсэх эрсдлийг хоёр дахин нэмэгдүүлдэг. Халуун бууруулах эм болон фолийн хүчил агуулсан олон төрлийн витамины тусламжтайгаар гажиг үүсэх эрсдлийг бууруулж болно. Жирэмсэн үеийн өндөр халууралт нь нярайн таталт,caa, энцефалопати, нас баралтын гол шалтгаан болдог. Энэ тохиолдолд ацетоаминофен (Acetaminophen)-ыг хэрэглэдэг. Жирэмсэн эмэгтэйчүүдэд оселтамиивир болон занамиивир эмийг хэрэглэх эсрэг заалт байхгүй.

Эмийн үр дүн, дашрамын нөлөөний илрэл, тухайн эмэнд вирус хир мэдрэг байгаа зэргээс хамаарч вирусийн эсрэг эмийн тун болон хэрэглэх хугацаа өөрчлөгдж болно.

Жирэмсэн эмэгтэйчүүдийг томуугийн цартахлын вакцинд эхний ээлжинд хамруулах шаардлагатай.

Хэрэв хөхүүл эхчүүд хүндээр өвдсөн тохиолдолд хүүхдийг тусгай зориулалтын сүүн хоолоор хооллоно. Хөхүүл эхчүүдэд вирусийн эсрэг бэлдмэл хэрэглэж болно.

7.6. Бага насны хүүхдэд үзүүлэх эмнэлгийн тусламж

7.6.1. Эмнэлзүйн шинж тэмдэг:

- Амьсгал олшрох
- Амьсгаадах
- Хөхрөх
- Шингэн алдах
- Хэт цочромтгой болох
- Ухаан санаа өөрчлөгдөх гм шинж тэмдэг илэрч болно.

7.6.2. Эмчилгээ, урьдчилан сэргийлэлт

Зургаа сартайгаас дээш насны хүүхдэд томуугийн цартахлын эсрэг вакцин тарина.

Томуугийн цартахлын вирусийн халдварын магадлалтай болон батлагдсан хүүхдэд оселтамишивир, занамишивир эмүүдээр вирусийн эсрэг эмчилгээ хийнэ. Хүүхдийн биеийн байдал хундэвтэр байвал вирусийн эсрэг эмчилгээг нэн түрүүнд хийнэ. Өвчин эхэлсэн буюу эхний шинж тэмдэг илэрсэн даруйд эсвэл өвчин эхэлснээс хойш 48 цагийн дотор вирусийн эсрэг занамишивир (Relenza®) болон оселтамишивир (Tamiflu®) эмийг хэрэглэх нь үр дүнтэй. Эмийг эмчилгээний зорилгоор 5 хоногийн турш хэрэглэнэ.

Эмийн үр дүн, дашрамын нөлөөний илрэл, тухайн эмэнд вирус хир мэдрэг байгаа зэргээс хамаарч вирусийн эсрэг эмийн тун болон хэрэглэх хугацаа өөрчлөгдж болно. Нэг ба түүнээс дээш насны хүүхдэд хэрэглэх вирусийн эсрэг эмийн тун, хэмжээг хүснэгт 1-д харуулав.

Хүснэгт 1.

1-18 хүртэлх насны хүүхдийн томуугийн эмчилгээ, урьдчилан сэргийлэлтэнд хэрэглэх вирусийн эсрэг занамивир болон оселтамивир эмийн тун

Вирусийн эсрэг эм	Насны бүлэг			
	1-6	7-9	10-12	13-18
Занамивир*				
Эмчилгээ				
Томуугийн A ба B вирус		Заалтгүй	10 мг (2 цацлага) өдөрт 2 удаа	10 мг (2 цацлага) өдөрт 2 удаа
Томуугийн A ба B вирус		1-4 насанд заалтгүй	5-9 насанд 10 мг (2 цацлага) өдөрт 1 удаа	10 мг (2 цацлага) өдөрт 2 удаа
Хими сэргийлэлт				
Томуугийн A ба B вирус		Хүүхдийн биеийн жингээс эмийн тун хамаарна	75 мг өдөрт 2 удаа	
Хими сэргийлэлт				
Томуугийн A ба B вирус		Хүүхдийн биеийн жингээс эмийн тун хамаарна	75 мг өдөрт 1 удаа	
Хугацаа	Эмчилгээ	5 хоногийн турш		
	Хими сэргийлэлт	Сүүлийн тохиолдол илэрснээс хойш 10 хоног		

Томуугийн цартахлын вирусийн халдвартай нярай хүүхдийг оселтамивирээр эмчлэж болно (Хүснэгт 2).

Хүснэгт 2.

Томуугийн цартахлын вирусийн халдвартай нэг хүртэлх насны хүүхдийн вирусийн эсрэг оселтамивир эмийн эмчилгээ

Нас	Оселтамивир эмийн эмчилгээний тун
<3 сар	12 мг өдөрт 2 удаа
3-5 сар	20 мг өдөрт 2 удаа
6-11 сар	25 мг өдөрт 2 удаа
Хугацаа	5 хоног

Халуун бууруулах эмийн хэрэглээ

Аспирин болон аспирин агуулсан бэлдмэл (бисмут субсалцилат – Пепто Бисмут) нь 18 хүртэлх насны хүүхдэд хэрэглэхэд Рейгийн хамшинж үүсгэх

эрсдэлтэй тул томуугийн цартахлын вирусийн халдвартын үед халуун бууруулах зорилгоор хэрэглэхгүй. Харин ацетоаминофен, үрэвслийн эсрэг стероидын бус бэлдмэлийг хэрэглэж болно.

Вирусийн эсрэг хими сэргийлэлт

Томуугийн цартахлын вирусийн халдвартын сэргийлэлтэд оселтамивир болон занамивирыг нэг ба түүнээс дээш насны хүүхдэд хэрэглэнэ (Хүснэгт 3).

Хүснэгт 3

Томуугийн цартахлын вирусийн халдвартын үед нэг
хүртэлх насны хүүхдэд хийх оселтамивир эмийн сэргийлэлт

Нас	Оселтамивир эмийн тун
3 сар хүртэлх насанд	Хүндрэлгүй тохиолдолд хэрэглэхгүй
3-5 сартайд	20 мг өдөрт 1 удаа
6-12 сар	10 хоног

Томуугаар өвдөж хүндрэх эрсдэлтэй хүмүүс (5 хүртэлх насны хүүхдүүд, жирэмсэн эмэгтэй, 65 ба түүнээс дээш насны өндөр настан, хүнд хэлбэрийн архаг өвчтэй хүн) халдвартын сэжигтэй болон батлагдсан тохиолдолтой нэг гэрт хамт амьдарч байвал вирусийн эсрэг оселтамивир, занамивир эмийг сэргийлэлтийн зорилгоор хэрэглэж болно.

7.7. Лабораторийн шинжилгээ

Томуугийн тохиолдлыг тодорхойлолтын дагуу оношлосон эмч вирусийн эсрэг эмийн эмчилгээ эхлэхээс өмнө өвчний эхний 3 хоногт сорьцыг цуглувна. Өвчтөнөөс хамрын арчдас, хамрын угаадас, нас барсан тохиолдолд уушгинь эдийн гүнээс буюу гуурсан хоолойноос эд, эсийн сорьц авна. Шинжлэгдэхүүн авах эмч, эрүүл мэндийн ажилтан хамгаалах хувцсыг бүрэн өмсөнө. Хэрэв өвчтөний өгүүлэмж болон эмнэлзүйн шинж нь амьсгалын замын үүсгэгч тодорхойгүй, хүнд халдварт гэж сэжиглэхээр байвал шүүлтүүр бүхий зориулалтын амны хаалтыг хэрэглэнэ.

Шинжлэгдэхүүнийг нийслэлд 24 цагийн дотор мөсөн элемент бүхий саванд хийж, хөлдөөхгүйгээр тээвэрлэж лабораторит хүргэнэ. Хөдөө орон нутагт өдөрт нь тээвэрлэх боломжгүй үед -70°C -д хадгалж, эсвэл мөсөн элементтэй саванд 48 цагийн хугацаанд хөлдөөхгүйгээр тээвэрлэж лабораторит хүргэнэ. Эд, эсийн сорьцыг хөлдөөхгүйгээр аль болох хурдан лабораторит хүргэнэ. Боломжгүй бол -70°C -д хадгалж, хөлдүүгөөр тээвэрлэнэ.

Шинжлэгдэхүүний савыг дараах асуумжийн дагуу хаяглаж, шошгыг саванд наана. Үүнд:

Сорьц №..../.... Эмнэлгийн байгууллагын нэр _____
 Өвчтөний овог нэр _____ Нас----- хүйс (зур) эрэгтэй, эмэгтэй
 Хаяг _____
 Эмнэлзүйн онош _____
 Голомтолсон өвчлөлийн тохиолдол
 Өвчин эхэлсэн: _____ он _____ сар _____ өдөр _____
 Сорьц авсан эмч, сувилагчийн нэр: _____
 Сорьцын төрөл _____
 Сорьц авсан: _____ он _____ сар _____ өдөр _____ цаг _____ минут
 Сорьцыг тээвэрлэлтэд өгсөн: _____ он _____ сар _____ өдөр _____ цаг _____ минут
 Шинжилгээний хариу _____

Сорьцонд дараах шинжилгээ хийнэ.

- Сорьц болгонд томуугийн вирус илрүүлэх шинжилгээг ердийн буюу бодит хугацааны полимеразийн гинжин урвал (ПГУ)-ын аргаар хийнэ;
- Дээрх урвалаар зэрэг гарсан сорьцыг эсийн өсгөвөр, тахианы үр хөврөлд халдааж томуугийн вирус ялгах шинжилгээ хийнэ;
- Вирусийн өсгөврөөс цус наалдуулах, цус наалдуулахыг саатуулах урвалаар эсрэг төрөгчийн хэвшинжийг тодорхойлно;
- ПГУ-аар вирусийн дэд хэвшинж тодорхойлно.

Томуугийн цартахлын вирусийг тодорхойлох ПГУ-ын шинжилгээг ХӨСҮТ-ийн АЗВСЛ, Дархан Уул, Орхон аймгийн Нэгдсэн эмнэлгийн вирус судлалын лабораторит, харин вирус өсгөвөрлөх болон вирусийн эсрэгтөрөгчийн хэвшинжийг цус наалдахыг саатуулах урвалаар тодорхойлох шинжилгээг ХӨСҮТ-ийн АЗВСЛ-т биоаюулгүй ажиллагааны хоёрдугаар зэрэглэлийн орчинд хийнэ. Шинжилгээний дунг 7 хоног тутамд утсаар болон цахим хэлбэрээр эргэж мэдээлнэ. ПГУ-ын шинжилгээний дун 24-48 цагийн дотор гарна.

Томуугийн вирус өсгөвөрлөх шинжилгээний хариу 10-21 хоногийн дараа гарна. Шинжлэгдэхүүнд эпител эс цөөн тоогоор байх нь хурдавчилсан аргаар эсрэгтөрөгч илрүүлэх Урвуу транскриптазат-ПГУ-ын шинжилгээний дунд нөлөөлөхгүй.

Сорьцыг зөв авч, хадгалж тээвэрлэснээс вирус өсгөвөрлөх шинжилгээний дун шалтгаалдаг тул хамгийн тохиромжтой эмнэлзүйн сорьцыг сонгож, хадгалалт тээвэрлэлтийн горимыг чанд мөрдөх шаардлагатай.

Биологийн аюулгүй ажиллагааны 2-р зэрэглэлийн лабораторийн стандартыг хангасан нөхцөлд вирус өсгөвөрлөх шинжилгээг хийнэ. Агаарт цацагдах, дусал үүсгэх ажилбаруудыг биологийн аюулгүй ажиллагааны кабинетэд гүйцэтгэнэ. Агаарт цацагдсан дуслуудаас халдвар авах магадлалтай тул лабораторийн ажилчид нэг удаагийн бээлий, ус нэвтэрдэггүй хормогч, урт ханцуйтай халад эсвэл комбинзон, улавч эсвэл зориулалтын гутал, нүдний хамгаалалт, амны хаалт тогтмол хэрэглэнэ.

Шинжлэгдэхүүнтэй ажилласны дараа ажлын талбай, тоног төхөөрөмжийг халдвартгүйтгэнэ. Стандарт халдвартгүйтгэх бодис хэрэглэхдээ бүрхүүлгүй вируст идэвхитэй нөлөөлдөг бодисыг сонгох ёстой.

7.8. Эмгэг судлалын шинжилгээ

7.8.1. Эмгэг судлалын шинжилгээ хийхэд баримтлах дэглэм

1. Цогцостой ажиллах үед эмгэг судлаач эмч, лаборант нар 1 дүгээр зэрэглэлийн хамгаалалтын өмсгөл өмсөхийн зэрэгцээ хулдаасан хормогч, ханцуивч, давхар резин бээлий, нүд, нүүрний хамгаалалт зэргийг нэмэгдлээр хэрэглэнэ.
2. Шинжилгээний дараа цогцыг засаж янзлан хлорамины 3%-ийн уусмалаар бүтэн биеийг 2-3 удаа арчиж халдвартгүйтгэнэ.
3. Эмгэг судлалын шинжилгээнд хэрэглэсэн хамгаалах өмсгөл, дахин хэрэглэгддэггүй эд зүйлс, биологийн гаралтай эмнэлгийн хог хаягдлыг, эмнэлгийн хог хаягдлын менежментийн дагуу тусгай уутанд цуглуулж зохих журмын дагуу устгана.
4. Давтан хэрэглэгдэх багаж хэрэглэлийг угааж, ариутгахдаа 3 дамжлагаар угааж, даралттай уурын аргаар автоклавт 1.2-1.5 атмосфер даралтанд 121-126 хэмд 30 минутаар, эсвэл хуурай халууны аргаар хуурай халууны шүүгээнд 140-160 хэмд 40-45 минутаар ариутгана.
5. Шинжилгээ дууссаны дараа өрөө, тавилга хэрэглэлийн гадаргууг 5%-ийн хлорамин эсвэл 0.1%-ийн жавелионы уусмалаар арчиж халдвартгүйтгэнэ.
6. Вирус судлалын шинжилгээнд сорьц авах журмын дагуу шинжлэгдэхүүн авч, лабораторит хүргэнэ.

7.8.2. Оршуулах үед баримтлах дэглэм

1. Цогцыг ил задгай оршуулахгүй.
2. Вирус нь халуунд тэсвэргүй чанарыг үндэслэн чандарлаж оршуулах нь илүү зохимжтой.

3. Уламжлалт аргаар оршуулах үедээ хайрцагны ёроолд гипохлорид, кальц эсвэл хлорамин хуурайгаар зузаан нь 0.3 см орчим хийж цогцыг хийнэ.
4. Цогцыг хайрцагт хийх хүмүүс нэг удаагийн резин бээлий хэрэглэн, хэрэглэсэн бээлийгээ тусгай уутанд цуглувлан, шатаана.
5. Оршуулах ёслолд оролцсон бүх хүмүүс гарaa сайтар савандаж угаан, 70%-ийн спирт (этанол)-ээр халдвартгүйтгэнэ.

Эрүүл мэндийн сайдын 2010 оны 4 дүгээр
сарын 10 ны өдрийн 14 тоот тушаалтын
хоёрдугаар хавсралт

Томуугийн цартахлын вирусийн тархвар судалгааны хуудас

1. Мэдээ ирүүлсэн

Овог нэр: _____ Мэдээлсэн он/сар/ өдөр _____ / _____ / _____

Байгууллагын нэр: _____ Улсын нэр: _____

2. Тохиолдлын мэдээлэл

ДЭМБ-ын код _____ Регистрийн дугаар _____

Төрсөн он/сар/өдөр/ _____ / _____ / _____ Нас _____ Тодорхойгүй

3. Газар зүйн байрлал (шинж тэмдэг илэрсэн)

Хот/дүүрэг _____ 1. Засаг захиргааны нэгж _____

4. Лабораторийн шинжилгээ

- Томуугийн цартахлын вирусийн шинжилгээ зэрэг Тийм Үгүй Тодорхойгүй

/ Томуугийн цартахлын вирус он, сар, өдөр / Тийм Үгүй Тодорхойгүй

Лабораторийн нэр: _____

Шинжилгээний төрөл

ПГУ Вирус өсгөвөрлөх

Серолог

Бусад

(ямар эсийн өсгөвөр

эсрэгбиеийн таньц 4

ашигласан)

буую түүнээс олон дахин

нэмэгдэх)

(Тодруулах):

Сорьцыг ДЭМБ-ын лавлагаа лабораторит явуулсан эсэх?

Тийм Үгүй Тодорхойгүй

5. Шинж тэмдэг

- Өвчтөн Амьд Нас барсан
- Шинж тэмдэг эхэлсэн он, сар, өдөр
- Эмнэлэгт анх үзүүлсэн он, сар, өдөр
- Өвчин эхлэхэд илэрсэн шинж

_____ / _____ / _____
_____ / _____ / _____

	Тийм	Үгүй	Тодорхойгүй	Тайлбар
38° C≤	<input type="checkbox"/>	<input type="checkbox"/>	<input type="checkbox"/>	
Халуурсан	<input type="checkbox"/>	<input type="checkbox"/>	<input type="checkbox"/>	
Хоолой өвдөх	<input type="checkbox"/>	<input type="checkbox"/>	<input type="checkbox"/>	
Хамраас нус гоожих	<input type="checkbox"/>	<input type="checkbox"/>	<input type="checkbox"/>	
Найтаах	<input type="checkbox"/>	<input type="checkbox"/>	<input type="checkbox"/>	
Хуурай ханиах	<input type="checkbox"/>	<input type="checkbox"/>	<input type="checkbox"/>	
Цэргэй ханиах	<input type="checkbox"/>	<input type="checkbox"/>	<input type="checkbox"/>	
Амьсгаадах	<input type="checkbox"/>	<input type="checkbox"/>	<input type="checkbox"/>	
Нүдний салст үрэвсэх	<input type="checkbox"/>	<input type="checkbox"/>	<input type="checkbox"/>	
Суулгах	<input type="checkbox"/>	<input type="checkbox"/>	<input type="checkbox"/>	
Бие сулрах	<input type="checkbox"/>	<input type="checkbox"/>	<input type="checkbox"/>	
Бөөлжих	<input type="checkbox"/>	<input type="checkbox"/>	<input type="checkbox"/>	
Толгой өвдөх	<input type="checkbox"/>	<input type="checkbox"/>	<input type="checkbox"/>	
Татах	<input type="checkbox"/>	<input type="checkbox"/>	<input type="checkbox"/>	
Ухаан санаа өөрчлөгддөх	<input type="checkbox"/>	<input type="checkbox"/>	<input type="checkbox"/>	
Булчин өвдөх	<input type="checkbox"/>	<input type="checkbox"/>	<input type="checkbox"/>	

6. Өвчний түүх, биеийн байдал

Өвчин эхлэхээс өмнө өвчтөн дараах вакцин, эмчилгээг хийлгэсэн эсэх:

	Тийм	Үгүй	Тодорхойгүй	Тайлбар
Түрүү жил томуугийн эсрэг улирлын вакцин хийлгэсэн	<input type="checkbox"/>	<input type="checkbox"/>	<input type="checkbox"/>	
Пневмококкийн эсрэг вакцин хийлгэсэн	<input type="checkbox"/>	<input type="checkbox"/>	<input type="checkbox"/>	
Өвчин эхлэхээс 14 хоногийн өмнө вирусийн эсрэг хими сэргийлэлт хийсэн	<input type="checkbox"/>	<input type="checkbox"/>	<input type="checkbox"/>	
Тийм бол, ямар эм				
Оселтамишивир	<input type="checkbox"/>			
Занамишивир	<input type="checkbox"/>			
Амантадин	<input type="checkbox"/>			

Өвчтөн ямар нэгэн суурь өвчтэй байсан эсэх

	Тийм	Үгүй	Тодорхойгүй
Хавдар	<input type="checkbox"/>	<input type="checkbox"/>	<input type="checkbox"/>
Чихрийн шижин	<input type="checkbox"/>	<input type="checkbox"/>	<input type="checkbox"/>
ДОХ/ХДХВ халдвэр	<input type="checkbox"/>	<input type="checkbox"/>	<input type="checkbox"/>
Зүрхний архаг өвчин	<input type="checkbox"/>	<input type="checkbox"/>	<input type="checkbox"/>
Уналт, таталт	<input type="checkbox"/>	<input type="checkbox"/>	<input type="checkbox"/>

7. Эрсдэл

- Шинж тэмдэг эхлэхээс 7 хоногийн өмнө томуугийн цартахлын A/H1N1/ вирус илэрсэн бүс нутагт аялсан эсэх Тийм Үгүй Тодорхойгүй
Тийм бол, нэрлэнэ үү _____
- Шинж тэмдэг эхлэхээс 7 хоногийн өмнө томуугийн цартахлын A/H1N1/ вирусийн сэжигтэй болон батлагдсан тохиолдолтой хавьтад болсон эсэх (хүрэлцэх/ярих)
Тийм Үгүй Тодорхойгүй

Тийм бол:

Нэг удаагийн хавьтад	Тийм	Үгүй	Тодорхойгүй
	<input type="checkbox"/>	<input type="checkbox"/>	<input type="checkbox"/>
Хавьтад болсон он, сар, өдөр _____ / _____ / _____			

Өвчтөн эрүүл мэндийн ажилтан эсэх

Тийм Үгүй Тодорхойгүй

Өвчтөнтэй шууд хавьтад болох эрсдэлтэй	Тийм	Үгүй	Тодорхойгүй
(Эмч, сувилагч, анагаахын оюутан, эрүүл мэндийн ажилтан)	<input type="checkbox"/>	<input type="checkbox"/>	<input type="checkbox"/>

8. Үр дүн

- Өвчтөн бүрэн эдгэрсэн
Тийм бол, шинж тэмдэг арилсан огноо
Тийм Үгүй Тодорхойгүй
_____ / _____ / _____
- Өвчтөн эмнэлэгт хэвтсэн
Тийм бол, эмнэлэгт хэвтсэн огноо
Эмнэлгээс гарсан огноо
Тийм Үгүй Тодорхойгүй
_____ / _____ / _____
- Өвчтөн нас барсан эсэх
Тийм бол, нас барсан огноо
Тийм Үгүй Тодорхойгүй
_____ / _____ / _____

9. Уушгини үрэвсэл

- Эмнэл зүйн шинжээр уушгины үрэвсэл илэрч байгаа эсэх
Тийм Үгүй Тодорхойгүй
- Томуугийн анхдагч уушгины үрэвсэл
Тийм Үгүй Тодорхойгүй
- Хоёрдогч нянгийн уушгины үрэвсэл
Тийм Үгүй Тодорхойгүй
- Цээжний рентген шинжилгээ хийгдсэн эсэх
Тийм Үгүй Тодорхойгүй

Үгүй болон тодорхойгүй бол 11 асуултанд хариулна уу

- Рентген шинжилгээгээр уушгины үрэвслийн шинж илэрсэн эсэх
Тийм Үгүй Тодорхойгүй
- Рентген шинжилгээгээр уушгины үрэвслийн шинж анх илэрсэн огноо
_____ / _____ / _____

10. Эмчилгээ

- Өвчтөнд вирусийн эсрэг эмчилгээ хийсэн эсэх Тийм Үгүй Тодорхойгүй
Тийм бол, ямар эмчилгээ:

Эмчилгээ	Эхэлсэн огноо	Үргэлжлэх хугацаа	Өдрийн тун
Оселтамишивир	_____ / _____ / _____	_____	_____
Занамишивир	_____ / _____ / _____	_____	_____
Амантадин	_____ / _____ / _____	_____	_____
Римантадин	_____ / _____ / _____	_____	_____

- Вирусийн эсрэг эмийн гаж нөлөө илэрсэн эсэх Тийм Үгүй Тодорхойгүй
- Антибиотик хэрэглэсэн эсэх Тийм Үгүй Тодорхойгүй
- Хэрэглэж эхэлсэн огноо _____ / _____ / _____ Үргэлжилсэн хугацаа (өдөр) _____

11. Өвчний үед гарсан хүндрэл Тийм Үгүй Тодорхойгүй

Тийм бол тодруулна уу:

12. Бусад (ажиглагдсан зүйл/тайлбар)